



Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvs I., Stephanvs IV., Adrianvs et Pseudopapa Constantinus miserunt& reges Francorvm, Carolvm Martellvm, ...

Gretser, Jacob

[München], 1613

Svmmarivm Ex Baronio. Indicauerat Carolus Rex Adriano per Itherium & Manegarium Abbates, Saxones quosdam in paganismum relapsos esse, deq[ue] ijs, quid agendum esset, interrogavit. Respondit Adrianus ...

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

reamini. Incolumem Excellentiam vestram gratia
superna custodiat.

SUMMARIVM EX BA-
RONIO.

Indicauerat Carolus Rex Adriano per Itherium & Ma-
negarium Abbates, Saxones quosdam in paganismum re-
lapsos esse, de quibus, quid agendum esset, interrogauit. Respon-
dit Adrianus Papa post longam poenitentiam illos ad consor-
tium Ecclesiae posse recipi.

LXXX.

Summ. 9.
Bar. &
Cent.

OMNINO excellentissimo filio nostroque spi-
ritali compatri Carolo, Regi Francorum, &
Langobardorum, atque Patricio Romanorum,
Adrianus Papa. Vestra à Deo protecta regalis excel-
lentiae suscipientes Missos, scilicet Itherium & Magena-
rium, religiosos Abbates, sciscitari sunt nos interro-
gantes de Saxonibus, qui Christiani fuerunt, & ad pa-
ganismum reuersi sunt, qualem poenitentiam eis sa-
cerdotes *indicare debeant. Hoc praedecessorum no-
strorum, sanctorum pontificum dudum decretum
est, quod qui resipiscentes, & ruinas suas cogitantes re-
dire maluerint, sub longa poenitentiae satisfactione ad-
mittendi sunt, & iterum poenitentiae satisfactione pur-
gentur quae non tam temporis longitudine, quam cor-
dis compunctione pensanda sunt; & ideo excellentis-
sime & à Deo protecte fili, oportet sacerdotes parti-
bus illis pastorem circumdare sollertiam atque Epi-
scopalem induere vigilantiam, & in eorum arbitrio
indicare poenitentiam, considerantes piaculum, tam
voluntatis quamque extra voluntatem coacti ad suum
reuer-

reuertentes vomitum; & tunc canonica promere sententia, quatenus si veraciter reuersi in fide orthodoxa maluerint perseuerare, promissuros se omnem adimplere Episcopalem prædicationem, indiculum orthodoxæ fidei exarantes, secundum olitanam patrum traditionem, vnum confitentes baptismum, sub iusiurando pollicentes, fidem Christianitatis seruaturos; in gremio suscipiantur, orthodoxæ fidei Ecclesiæ, vt copiosa merces vobis adscribatur in coelis. Incolumem excellentiam vestram gratia superna custodiat.

Item exemplar Epistola eiusdem Papa, ad Domnum Carolum Regem directæ, in qua continentur gratiarum actiones seu benedictiones pro cruce, quam ei miserat, & de territorio Populoniensi seu Rosellensi, vt Dominus Rex suos idoneos Missos dirigeret, qui sub integritate ipsas ciuitates cum suburbana earum ei contradere debuissent.

LXXI.

DOMNO excellentissimo filio nostroque spiritali compatri Carolo, Regi Francorum & Langobardorum atque Patricio Romanorum, Adrianus Papa. Præcellentissimos atq; nitidissimos Deo dicatæ regalis præcellæ scientiæ vestræ mellifluos suscepimus versos, quos referantes atq; singillatim relegentes, eorū robur, cum nimio amplectimur amore, & procul dubio vestra credere dignetur regalis potestas, quia omnino sicut per eos innotuistis, à nobis in omnibus perficietur, testem enim inuoco Deū, cui seruiō in spiritu meo, quod sine intermissione die noctuq; semper memoriam vestri facio in orationibus meis obsecrans, tam pro vestra in triumphis regali victoria, & perpetua stabilitate, quamq; p̄ sanctæ

Summ. 8.
Bar. 6.
Cent.